



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

De cognitione naturalis historiae, & cosmographae cap. xxv

urn:nbn:de:hbz:466:1-30433

Baro cio compertum est : qui quidem huius disciplinae studiis, quatenus licuit, ita est delectatus, ut medicamentis etiam genus adinuenerit apprimè utile, et ab ipsis medicis frequentatum in remediis sanitatis, et mandatum in corruptis literarum monumentis, atque ex eo quod ab episcopo adiuuentum est episcopales pilulae nuncupatum. Sed et Apostoli medici officio potissimum functi sunt atque eis dictum fuit. Ite et curate infirmos : quod quidem fideliter praestiterunt, non tamen herbis, oleo, aut pharmacis, sed gratia, et uirtute diuina. Optime quidem inter se congruit ad totius hominis salutem, animi, corporisque curatio. Et iccirco apud Aegyptios, et Persas, idem sacerdotes erant, qui et medici. Quid quod dum aegros uisemus arteriae pulsus saepe tentamus, dictam delectumque ciborum docemus, de quibus diebus creticis saepius interrogamus? Sed et pronosticari de aegrotis ex officio quoque nostro scire debemus, quum habeamus sacramenta nullis, nisi desperatae ualitudinis conferenda. Quocirca ubi non adsit medicus oportet sacerdotem eiusmodi signa cognoscere, quae ad hanc diuinationem faciunt, et quae consociata sunt medicinis. Dicit enim Hippocrates oportere medicum dicere de aegrotis, quae sint, quae fuerint, et quae uentura sint.

De cognitione naturalis historiae, et cosmographiae. Cap. XXV.

IN eo quoque studiorum genere (ut arbitror) est cognitio naturalis historiae, et eorum quae de naturis animalium, lignorum lapidum, herbarum, metallorum, et aliarumque rerum scripta sunt : nam (ut scribit Augustinus) haec omnia ad cognitionem, et ad aenigmata diuinarum scripturarum soluenda plurimum ualent. Istarum namque rerum imperitia facit, ut multa non intelligantur : quae tralate, et mystice posita ubi in diuinis scripturis conspiciuntur.

DE RATIONE COERCEN. LIBID.

Cosmographiæ quoque noticiam, id est mundi descriptionem tenere, utile esse censentur ad intelligentiam faciendam: ut noscamus prouincias, urbes, montes, loca, maria, lacus, & flumina, quæ in ea sæpius memorantur. Erit etiã conducibile scire, quomodo Mathematici differant, terram in medio mundo sitam, ad uniuersi cœli complexum, esse instar puncti, uel si quid exilius, minusue dici, aut excogitari puncti possit. Nam multum quidem prodest ad reprimendam hominis superbiam intelligere quam minima sit terræ portio, quam tanti facimus mortales. Vnde Plinius. Non aliud est, inquit, terra uniuersa, quàm mundi punctum, hæc est materia uite nostræ, hæc sedes. Sicut ergo ipsius terræ situm, formã, circumscriptionemq; cognoscere pulchrũ est, ita ignorare turpissimum. Tradunt enim situm uniuersæ terræ globosum, quinq; distinctum zonis, quarum mediam solis ardoribus penitus adustam esse: duas uero extra, leuissimasq; importunis frigoribus, & rigore niuium, & perpetua glacie semper oppressas: reliquas autem inter mediam, & extremam ab utraq; parte, ob suam temperiem, & hominum frequentia, & gregum, & armentorum, & frugum copia beatas. Harum autem plagarum altera est sub axe posita septentrionali, quã nos colimus: altera uero sub axe australi græci uocant Antiaxona, nõdum bene nota nobis: nuper tñ à Lusitanis, & Hispanis inuenta dicitur: & est (ut perhibetur) iam longè lateq; peragrata. De partibus uero illis, quæ nobis sub pedibus sitæ esse uidentur magna altercatio est inter scriptores, etiam ecclesiasticos. De eã namq; re & Lactantius, & D. Augustinus multa docte copioseq; scripserunt.

De cognitione Arithmeticæ. Cap. XXVI.

AD idem quoque facere uidetur cognitio Arithmeticæ, quæ est numerorum disciplina. Sunt